

T9299/7223

1

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
NOV 30 1940

劉氏鴻書序

哈佛大學漢和
圖書館珍藏印

古之為類書者大要有二一
類事一類文事或博于名物
如類苑華林文或博于詞章
如玉彩瑤林而兼載事文如
類聚學記之類皆以備遺忘

便討論詞林所不廢也其重在典故經濟如通典元龜通志通考之類則可見行事非託空言矣自科舉之學興士以帖括取功名即所受一經至老不能淹浹遑顧其他主

司開科往往議重策論以收博雅之士而所綴緝特坊肆間程式之文于古書無當也記問學已固陋然且不足何貴士哉宣城劉九達雖治博士業不為功令所限游思竹

素無者訪購有者丹鉛凡二
十餘年以所銓次集為鴻書
離其目曰天文地理歲時世
系三教五倫人事人品官職
文史身體宮室飲食衣帛珍
寶器用音樂方術花木鳥獸

鱗介昆虫錄異紀厖類凡二
十有四類之中復有類焉凡
二百六十有奇蓋名物詞章
典故經濟大畧具矣昔者仲
尼以多能為鄙事以多學而
識不如一貫然而聖道之大

峻極于天。發育萬物。其細微
曲折。禮儀三百。威儀三千。缺
一不可。妨賢者既口實。累世
不能窮其學。當年不能究其
禮。而後人又第舉防風之骨。
肅慎之矢。商羊萍實。諸小物

僻事。以相誇詡。彼所謂學。所
謂禮。功在位。育參贊。此何與
焉。譬之片甲一毛。謂非龍鳳
所有。故妄而執。以盡其全體。
可哉。仲尼識大。識小學。無常
師。忘憤忘食。信而好古。何若

斯之勤也。文武之政。布在方
策。如有用我。其為東周乎。九
達書意當在此。余為叙其大
歸。諗于通今博古者。無以為
仲尼所禁。索隱語恠之屬。同
類而並觀也。其校讐與有力。
則李成白。謝少連。諸子直諒
多聞益友矣。

萬曆庚戌歲仲冬月之望大
泌山人李維禎撰



劉氏鴻書序

夫學古貴乎博。患其不精。記
事貴乎要。患其不備。古昔所
傳。必資簡策。貫綜羣典。約而
成書。此類家所繇起也。自魏
有皇覽。為其濫觴。嗣後徐勉

劉孝標劉杳陶隱居徐堅虞
世南纍々而作。迨崇文摠目
所列。至五十一部。可謂富矣。
顧阨於兵燹。流行者不能什
一。北堂書鈔。宋三館亡。奉仁
宗取於趙安仁家。嘉其好古。
下詔褒美。其難得如此。近世
作者不乏。非略而失之。遺則
廣而失之。汎々語不雅馴。
事多猥雜。求其抽墳素之紺
珠。備文章之精騎。豈不難哉。
宛陵劉石仲達。少為諸生。以

詞學著聲。其所綜富。以闕博
自喜。念司馬子長。南游江淮。
上會稽。溯水嶽。浮沅湘。北涉
汶泗。過梁楚。以歸。業乃大就。
而張華之蕪乘。惠子之五車。
未易以挾也。乃法韓子提要。
鈎玄之言。而日采擇之。語不
欠古。而晚出。畢收曰。吾以拓
吾見而已。事不必奇。而有資
必錄。曰。吾以適吾用而已。自
天文說紀。厯為目。二十有四。
摠若干卷。持以見示。余觀近

之類家。以謂寧譎而古。毋覈而令。寧稗而奇。毋正而典。遞相承傳。牢不可破。此竅啓寡聞之見。非通方之巨觀也。譬之醫師。赤箭丹砂。青芝玉札。珠為上藥。而馬渤牛溲。亦脩不虞。譬之貨殖。魚鹽鐵冶。棗栗竹木。珠璣象牙。犀日相灌輸。而賣漿販脂。薄技淺方。無不輻湊。故瓦礫糠粃。道鮮不在。查梨橘柚。皆可于口。而必欲尊古卑今。辭隆從竅。斲截小

文掩其弘美。令學者得前而不覩其後。循常而不達於變。豈君意哉。是書出。高可證學。卑可博聞。雖饒且病者。亦藉以望。果然之腹。裨益大矣。余少有類林行世。以方是書。殆嵩岳之纖塵。滄瀛之涓滴耳。自孝標著類苑。諸學士為華林要略。以高之。殆非有意于此。余業拱手遜焉矣。

省

萬曆庚戌歲除前二日澹園

居士焦竑書



叙

儒者之於天地無一而可自
淒也。古今無兩天地也。其間
人物事變遞往。來皆非可
堅留之物。其能留天地之所
有。挾之以長者。用則文字人

則儒也。六合之內論而不詳。母亦曰。吾舉其大。凡而天地在是矣。非特不能詳。亦不必詳也。古今同此天。同此地。安所得六合之外。別開一境。為而可諉曰。存而不論耶。且不論則亡。又何存之與。有。今之命儒者。跼身撻掖。日課尺幅。而不暇廣覽。見橐駝謂是馬。腫背固其所也。抑亦有贗古者乎。寶幽竒之斷楮。忽目前之成牘。謂郊天鼓。必當麒麟。

之皮。寫孝經本。必曾子家策
耶。尤迂僻。不可曉解者。勸人
勿讀。唐以後書。唐以外書。勿
讀。將。澆古以來之天地。絕於
唐矣。陳同甫所謂千五百年
之間。天地鬼神。亦不肯受此
架漏者也。類書之為學。無天
地古今。而欲存之。其法耳聽
目覽。口誦手記。借成於衆。取
裁於獨。非復幽室之思。可以
默造。故。倍難於佗學。御覽元
龜之類。群朝臣開局為之。杜

氏之通典。馬氏之通考。代居
秘閣。家有賜書。然猶歲馳月
驟。畢平生之精力。以從事也。
劉氏鴻書。我九達。以獨力丹
鉛。又成在壯。諸生刺經課業
之歲。宣又僻處江左。藏書家
甚儉。輜軒之使朝士。方言無
所。茫編跡。不知九達。茫何處
搜索得之。此予所以尤服膺
也。九達工舉業。大有聲。行為
世用。遊覽漸廣。所述作。宜不
止此。而予方杜門息機。講名

山之業。儒者生斯世。亦必有
以自處矣。

萬曆辛亥孟夏日

友弟湯賓尹書



鴻書序

自太史公之傳大宛也曰惡
睹本紀所謂昆侖至山海經
所有怪物余不敢言之蓋核
事闕疑良史之體然耳迨其
後東方生曉畢方之名劉子

政議盜械之尸王頎訪兩面
之客海民獲長髯之衣絕代
懸符精驗潛効乃知一為簡
牘之所書必為天壤之所有
即閔誕迂夸或為守文牽故
者所疑要以惴怩荒忽之中
自開天地日月耳目見聞之
表別啓形埒區封儒之玄覽
者固當了然於斯有可知而
不可言者矣余始而讀十涉
之書洞冥之誌杜陽之編諾
臯之記私謂詞人之弄筆墨

者作此較猶以瞽天下後世
耳蓋久而有悟於宇宙之互
鞅也禹蹟之內從古以來事
物變嬗孰知紀極而况嶮夷
昧谷交趾幽都之外恠：奇
奇乖反視聽者又焉可為量
數吾安能保一所習聞懸訣其
誕信哉後世之通人瑰儒山
海經一書必以太史公之言
而廢矣九達劉君之為鴻書
也總百代之秘文搜二酉之
佚典採玉於山非懸黎無以

結佩澹珠於海非明月無以
入懷蓋一時類集未有或之
先焉至鄉所稱閩誕迂夸者
或往、闌入其中令人目駭
而心戰君家子玄得吾歆操
繩墨以通其後哉人之情多

喜開其所不知而恒怵其所
不見終日談語龍鳳一旦驟
見之必且以狂蛇怪鳥噪之
矣而馴擾者直見謂如蠕蜓
如伏雌今世不必常見龍鳳
人固已心知其有矣世所不

常宥而必有者不啻如龍鳳
可遂臆決其必吾共九達之
為此也馮贄所謂若見于常
常之書者必不錄吾於此獨
賞其識矣昔淮南鴻烈之解
語多瑰奇而理絕區蓋君之

名書義或取此夫鴻者大也
語大天下莫能載焉七略四
庫所存幾何必使山笥河籍
一一入吾劉覽中即恐賢聖
亦有所不能察矧其眇莽難
激遠姬龐紀蠹簡之所未披

龍藏之所不載即又安所得
 耳而目之君亦終身出入於
 吾窮之門而已矣何暇計夫
 千載而下更有子長者訾其
 所未信哉

萬曆歲在辛亥中秋日江寧

顧起元撰




茂苑丘義民書



本寧先生之言曰莫難於著書著書尤莫
難於類書蓋類書之人一而讀吾類者無
萬數以一人之心手耳目欲使無萬數人
之心手耳目皆以為的的而絕無毛髮舛
戾者則必無之事也是書除蒐勘歷年外
珍授梓人凡兩閱歲而甫卒業中間剝證
讐翻敢遺餘力第眼熟轉生網密轉漏其
一切紕謬顛倒如落葉難掃者仍乞大方

惠教不使丞渡西河。錯成縣鐵。而區區不
長作聖賢逐客也。其亦有大厚幸也夫。
鴻書主人劉仲達載識



男 禹敬書

牋

蠹魚之癖。僕謬亦同之。故於惇史。艷牘。
罔不畢收。竊自以不窺。宛委。不登瑯嬛。
爲恨。迨一束帶作吏。而舍已之田。故步
盡去矣。昨見鴻書。則僕十年未了之願。
於門下親炙之。可勝愉快。但類書所難。
不在新鐫之。不廣而在往采之。未精。帝

統六經所難在黜僞正訛律曆禮樂歷
代互有得失本朝宏規特議要當揚於
暨及祿僞傑僚采其所決當采不棄其
所不必棄大冶鑪錘是在門下又卓老
論人耑用黜陟每每不循統體信意撮
合或者非正格非定筆也固知巨震手
自有正大提衡然見獵喜心不覺饒舌

惟門下亮之

秀水陶朗先

引

宣城名繇來遠矣。要能讀漢書及六朝
前後書者，罔不了了也。家給諫嘗領邑
茲地，輒向余稱說不實。昨署南中，從諸
名公座上，舌間遂稔知有九達劉君。然
方夢寐宣城，愈復忻為倒屣。已而讀鴻
書，遂不禁心折焉。又三讀之，而始嘆余

之謂識九達者姓字耳鬚眉耳余何人
而得以窺其際也大畧其立意叙事則
直已遊聖賢廊廡如諸太史公所題賞
云云者何能贊一詞也九達能不負宣
城而宣城能不負繇來然則鴻書迺遂
有定價乎哉

莆田黃景星

劉氏鴻書

凡例

一余二十年内展蠹燒燈困於舉子業攻
苦之瑕間取一二散帙用驅睡魔或者
又風雨閉門貧病感愴因借方外荒譚
一抹牢騷孤嬾逗入眼根并落腕下奚
囊閣滿積有日時可觀不遺乎小道標
目聊附於鴻書名之揭矣忌曷觸焉

一 是書蒐撫雖繁篇章扼要總之部不數
條條不數事或途合聖賢風興頑懦或
離藩破俗翻案証疑不惟騷人墨士藉
以揮洒靈心即是獨座四筵兼可陪奉
玄塵

一 書目類溷淆次第顛倒總然南金卞玉
要難得手應心是種首重分門次嚴序
代俾觀者拈帖朗於吹藜操觚捷於倚
馬

一 書既連冗最易疲神毋論躁士厭擲往
往博宿讀不終篇區區此役第求事核
事明蔑謬蔑漏長或全收短或句拾間
且斷章取義割鶴續鳧庶典不遺於伐
山而累不襲乎觀海矣

一 稱彙書率不免魯魚帝虎蓋前之訛以
傳訛後且目難遍目自維碎心此業不

知換幾十星霜。髯枯髮白。癡索垢吹。既窮五眼。又盍十朋。敢云不朽乎。千秋第求共償以一快。

一名家前後構術多。係館閣宗工。或是郊林巨手。匪傾天籟之琳瑯。即揆腹笥之江海。區區蕞爾夜郎。眇然河伯。自揆賤少。賜書貧無洛價。第食葉吐絲。何妨腐身作繭。罔狐取毳。寧辭緝腋為裘。若乃薄量管窺。厚誅斗膽。抑且千古賢聖。闕其精靈。而敢一介么麼。逃其斧鉞耶。

一從前彙書紀事紀文諸家。種類不一。要皆彼此抄襲。套括雷同。如三五以降。詳擷者具成濫觴。元宋以來。粗備者不無漏網。區區力去曹收。偏偕獨賞。存千伯之什一。効涓滴於江河。所賴鬯緒詮遺。糾愆剖秘。是在同調更端。大方協勝。吾

道衣鉢詎有津涯乎哉

萬曆歲辛亥春王正月赤劔齋識

凡例畢

叅校名家姓氏

朱吾弼高安人

曾陳易番禺人

盧雲龍南海人

鄧雲霄東莞人

袁世振蘄水人

蔡善繼烏程人

黃景星莆田人

陶朗先秀水人

鮑國忠緜州人

王宇閩縣人

謝陞歙縣人

俞安期長洲人

吳唯明歙縣人

胡宗仁江寧人

王德化烏程人

潘之恒歙縣人

程漢歙縣人

鄭琰晉安人

鄭文昂晉安人

吳文龍歙縣人

范明泰秀水人

吳寵錫孝豐人

廖孔說江寧人

潘是仁歙縣人
費元祿鉛山人
李營易蘄水人
韓道亨長洲人
凌濛初烏程人
焦潤生江寧人
吳之鯨仁和人
錢國珍平湖人

王鏡金壇人
謝兆申建寧人
孫起都江寧人
黃真歙縣人
李樹楨河源人
可演鳳陽人
林懋福清人
李天章上元人

劉 塢山陰人

唐 時烏程人

陳應元 仁和人

馬萬程 平湖人

翁佑之 仁和人

盧象顥 仁和人

岑夢桂 建平人

郭天中 莆田人

鄭應柱 建德人

林古度 福清人

姚舜卿 江浦人

林垣斗 晉江人

湯有光 鳳陽人

黃應宮 歙縣人

張其光 江浦人

尤盛明 無錫人

胡耀昆江寧人

吳彥位歙縣人

吳國仕莆田人

袁道生蘄水人

馬世奇無錫人

陸卿正武進人

王謙蘄州人

郭登明當塗人

陳時復蘄州人

金江浦人

丘羲民長洲人

王三元宣城人

張守道宣城人

沈有則宣城人

劉孔賓宣城人

葛允中宣城人

雷應祥宣城人

張國卿宣城人

馮汝京宣城人

吳伯敷宣城人

唐一澄宣城人

濮陽和宣城人

蔡陽春宣城人

唐一灝宣城人

劉文昭宣城人

後有年宣城人

徐嵩慶宣城人

唐時凱宣城人

馮汝亭宣城人

徐之慶宣城人

馮昌齡宣城人

沈壽廣宣城人

雷起鰲宣城人

張宣城人

王朝遇宣城人

管士選宣城人

兄 仲光

仲輝

弟 仲斗

仲昇

男禹同閱

姓氏畢

目錄

總類

天文

地理

歲時

世系

三教

五倫

人事

人品

官職

文史

身體

宮室

飲食

衣帛

珍寶

器用

音樂

方術

花木

鳥獸

鱗介

昆蟲

錄異

紀厖

以上共二十四類

目錄

各類

天文部

計三卷 共十六類

天

日

月

卷

星

一卷

風

雲

雷

雨

雪

霜

冰

雹

露

霧

虹霓

煙火

三卷

地理部

計八卷

共三十五類

地

皇輿

四卷

山水總

水

嗜水

池

井

洞

劫灰

土

海

潮

附

河

江

湖

城

塞

關

市

巔

溝澤

陵墓

五卷

戶口

河道

海運

海防

六卷

鹽政

鹽鐵

權茶

屯政

馬政

徙戎

建都

七卷

夷國

夷俗

八卷

歲時部

計一卷

共二十一類

時令

干支

附

元旦

元宵

耗磨日

附

送窮日

附

寒食

上巳

清明

梅天

附

端午 伏 七夕 中秋

重九 禳過日附 冬至

寒 臘 除夕九卷

世系部 計十九卷 共四十二類

三才 五行 五方 支干

賢聖原跡 帝王世紀十卷

帝王發跡 姓名禠十一卷

皇統十二卷 皇統十三卷 皇統十四卷 春秋

戰國 偏霸十五卷 僭偽十六卷 諸王

女主 婕妤等附 夷狄十七卷

臣紀文武名臣十八卷 臣紀文武名臣十九卷 臣紀文武名臣二十卷

臣紀忠臣 布衣附忠臣 夷狄附忠臣

詞臣二十一卷 理學 高逸

方外 豪俠 遊說二十二卷

方伎 滑稽 外戚 佞宦

宦官 執拗 二十卷 奸篡 二十卷 尚論 二十卷

尚論 二十卷 尚論 二十卷 尚論 二十卷

二教部 計五卷 共十五類

儒 釋 佛 僧 二十九卷

道 僊 三十卷 神 為神

水神 三十卷 陰神 鬼 正報 三十二卷

愆報 轉竄 載身 三十卷

五倫部 計五卷 共二十七類

君 二十四卷 后 太子 附 宮人

婕妤 公主 父子 三十卷 母

夫婦 逐婦 附 婦 貴女 附

美女 醜女 三十卷 兄弟 姊妹 附

嫂叔 祖孫 叔姪 婿

甥舅 附

朋友

師弟

妾 三十卷

僕

奴婢

娼妓 三十卷

人事部

計七卷 共四十類

郊祭

加號

國號

冠

婚

喪

葬

祀人

祀神

死

病 三十卷

貧

富

老

少

刑 甲卷

獄

賞

用

薦

德報

讐報 四十卷

奢

僭

貪

妬

遊覽 四十卷

賭博 二卷

嗜好

姪慾 內外

企羨

迂謬 四十卷

誤忘

客謁

拜 附

夢

寐

哭 四十卷

譏刺 四卷

詼戲 四十卷

人品部

計十五卷 共三十類

忠諫 四十卷 忠諫 四十卷 忠諫 四十卷 忠烈 四十卷

孝 廉 謹 儉

讓 五十卷 德量 才譽 方正 五十卷

智術 五十卷 奸邪 簡傲 五十卷 將畧 五十卷

兵戰 女將 附五十卷 勇力 俠義 附

俠刺 五十卷 曠逸 賢正 妬

俠 義門 五十卷 畔盜 五十卷 畔盜 五十卷

畔盜 盜賊 附六十卷

官職部 計五卷 共四十五類

總論 宰相 諸曹 冢宰

侍郎 都御史 大理卿 京兆

吏部郎 黃門 六十卷 學士 御史

郎官 中書 博士 祭酒

太學生 附 鄉學 秀才 附六十卷

布政 參政 轉運 刺史

郡守 別駕 縣令 將軍

土官 錦衣 士師 巡檢

吏 出使六十卷 休致三卷 恩封

世宦 閣人 佞倖六十卷 科第四卷

鄉會 狀元 座主 門生

同年 科第 鬼神六十卷

文史部 計八卷 共十七類

五經始末 易 書 詩 禮記

春秋六十卷 著述 學問六十卷 雜著短六十卷

雜著長六十卷 辨疑七十卷 詩話七十卷 士詩七十卷

女詩 書法 文訣 書厄附七十卷

身體部 計一卷 共二十類

五官 鬚 面 耳

目

口

舌

牙

鼻

心

肝

腎

指

髀肉

足

短人

瘦人

長人

男相

女相

七十
四卷

宮室部

計一卷 共六類

帝規

儒

釋

道

民居

雜制

七十
五卷

飲食部

計一卷 共十五類

總論

茶

酒

粥

飯

羹

餅

鯖

鱠

醢

羹

鹽

齋供

糖

蜜

七十
六卷

衣帛部

計一卷 共十四類

服制

冠

巾

帽

網巾 帶 錦 葛

半臂 裙 鞋 屐

襪 履 七十卷

珍寶部 計二卷 共二十九類

金 銀 錢 銅

鐵 珠 七卷 玉 璧

玻璃 鞞 鞞 猫睛 水晶

珊瑚 寶璫 玳瑁 蠟子

琥珀 瑪瑙 寶母 鶴頂

犀角 番香 金剛鑽 貝

回回石 佛鉢 骨董 古物

古鑄 七十卷

器用部 計二卷 共四十四類

筆 墨 硯 印

鑪

鼎

刀

劍

吳鈎

矛盾

弓

箭

節度

旄頭

舟

車

簾八十卷

髻

鏡

榻

席

枕

塵

杖

鍋

瓢

酒壚

茶具

窰漆器

炭

燭

香

扇

屐

傘

棺

圍棋

投壺

牙牌

檮蒲

骰子

雙陸

打馬

鐵馬八十卷

音樂部

計一卷 共十二類

樂

樂律

謳

歌

鐘

鼓

磬

琴

瑟

笛

箏

篪篴

琵琶

梨園八十卷

方術部

計四卷 共二十三類

占筮

堪輿

星家

風鑑

八十卷

醫

丹青

八十卷射御

獵

釣

幻術

遁法

丹法

八十卷

定數

相字

解語

嗅氣

聽聲

巫

匠

鞦韆

傀儡

繩戲

銀櫛工

八十卷

花木部

計二卷 共六十九類

總論

牡丹

白山茶

玉蕊花

瑞香

蘭

海棠

李

桃

酴醾

瓊花

夏品

芍藥

藕

蓮

秋品

秋海棠

桂

菊

芙蓉

冬品

梅

松

栢

竹 梧桐 黃楊 柳

桑 槐 楓 檜

椿 奇木 八十卷 五穀 稻

麥 豆 木棉 菜品

蒿菜 園葵 茄 葫蘆

磨菰 果品 桃李 櫻桃

杏 楊梅 梨 棗

葡萄 柿 栗 金橘

柑 蔗 瓜 草

苹 蕨 藥品 黃精

砒 龍涎 檳榔 又檳榔

地脂 枸杞 三稜草 雷丸

木衣 人參 八十卷

鳥獸 計三卷 共六十類

總論 一字鳥 鳳 鸞 鶴

燕 雉 雀 鵲 鶯 雁

烏 鴉 鴿 鷓 鳩

梟 鳶 二字鳥 孔雀

杜 鵑 謝 豹 鸚 谷 鸚 鵡

吉 了 白 鷓 鷓 鴒 鷓 鴒

鳥 異 鷄 鷓 鴨 八十卷

虎 狼 狽 犀 象

熊 麝 鹿 牛

羊 馬 騾 驢 九十卷

犬 豕 猫 鼠

獺 鼯 鼠 附 狐 猿

猴 猿 猩猩 兔

懶 婦 野 婆 渾 沌 黃 腰 獸

俞兒 無支祁 九十卷

鱗介部 計一卷 共十類

龍 龜 蛇 鼈

鼉 海鱗 附 諸品魚 鱉

蟹 螺 海鏡 九十卷

昆蟲部 計一卷 共十八類

蠶 蝶 虱 蠅

蚊 蜂 蟻 蠹魚

蠹 蠱虫 蜥蜴 螳螂

螻蛄 蝗 金蠶 鞠通

怪哉 銷麥虫 九十卷

錄異部 計四卷 共四類

祥徵 九十卷 變兆 九十卷 人異 九十卷 物異 九十卷

紀麗部 計十卷 共十三類

兵畧

荒畧

九十卷

訓身

訓家

九十卷

養德

養生

一百卷

稽踪

一百卷

衡品

一百卷

衡品

一百三卷

補遺

一百四卷

補遺

一百五卷

補遺

一百六卷

補遺

一百七卷

補遺

一百八卷

目終

第一卷

天文部

天

函三爲一

蟻行磨上

太極五運

談天六家

下規上規

地厚天高

人物奇偶

蒼天昊天

天裂地坼

陰陽氣薄

山雲水雲

河漢之源

夜熟羊脾

天大雷電

日

代爲晝夜

朔望

日月食

日蝕

御日

夢日捧日

曝日

指日撝日

加日

日光日珥

日掩日影

日出

不見日食

月

生明生魄

月中瑋璘

九月並出

月中人

修月戶

見月異謀

天文圖驗

第一卷目錄終

劉氏鴻書卷一

哈佛大學漢和圖書館珍藏印

明 宣城劉仲達 纂輯

太史湯賓尹 刪正

天文部一

天

伯陽父曰有物混成先天地生獨立而不改周行而不殆可以為天地母未有天地之時其氣混沌如雞子溟滓始芽鴻濛滋萌太極元氣函三為一極中也元始也清輕者上為天濁重者下為地冲和之氣為人芒雜之氣為物孕在天地未分之前元氣混而為一是太初太

乙也道德經曰道生一一生二即此是太極元氣

原始
秘書

元氣既分陰陽始判天大地小表裏有水地乘氣而立
載水而浮又天圓旁轉半在地上半在地下日月本東
行天西旋入於海牽之以西如蟻行磨上磨左旋蟻右
行磨疾蟻遲不得不西地常動而不止譬人之在舟中
閉牖而坐舟行而不知此則元氣之剛健浮游而不息
也又云天地混沌如雞子盤古氏生其中萬八千歲天
地開闢陽清為天陰濁為地盤古在其中一日九變神
於天聖於地天日高一丈地日深一丈盤古日長一丈
如此萬八千歲天極高地極深盤古極長然則生物始

於盤古天地萬物之祖也其死也頭為五嶽目為日月

脂膏為江海毛髮為草木吳楚間說盤古夫妻陰陽之

始也後乃有三皇此天地人之始也數起於一立於三

成於五盛於七處於九故天去地九萬里

徐整三五歷紀

天地未分之前有太易有太初有太始有太素有太極

是為五運形象未分謂之太易元氣始萌謂之太初氣

形之端謂之太始形變有質謂之太素質形已具謂之

太極五氣漸變謂之五運

孝經鈎命訣

古今譚天者六家曰姚信之昕天虞聳之穹天虞喜之
安天却萌之宣夜周髀之蓋天以上諸家並為桓君山

葛稚川諸人所駁獨渾天氏謂天形如雞子旋如車轂差爲近之至如陰陽不得枯離升降互有將息此唯合體太極者曉焉故曰六合之外聖人存而不論太平御覽天體東西南北徑三十五萬七千里每一方八萬九千二百五十里自地至天八萬里以日照陽城之半爲中乃體正圓也南極七十二度隱而不見爲下規北極七十二度見而不隱爲上規每度二千九百三十里七十七步二尺七十四分總而論之每度三十里自下度之每度如正午日輪之大三百六十五度下至泉壤第一壘上至星天九萬七千二百里下至九幽洞淵上至星

天一千二百一十八萬里黃帝考之數也

原始秘書

天體周六億十萬七百里二十五步廣徑二億三萬三千五百里七十有五步東西短四步自地至天一億一萬六千七百八十六里半下地之厚與天之高等日月廣徑千里周三之大星徑百里中星五十里小星三十里北斗七衡六間相距九千里三垣二十八宿中外常明之星百二十有四可名之星三百二十爲星二千五百微星之數蓋萬一千五百有二十

邃古記

子夏問於孔子曰商聞易云生人及萬物鳥獸昆蟲各有奇偶氣分不同而凡人莫知其情惟達道德者能原

本馬天一地二人三三三爲九九八十一一主日日
數十故人十月而生八九七十二偶以承奇主辰辰爲
月月主馬故馬十二月而生七九六十三三主斗斗主
狗故狗三月而生六九五十四四主時時主豕故豕四
月而生五九四十五五爲音音主猿故猿五月而生四
九三十六六主律律主鹿故鹿六月而生三九二十七
七主星星主虎故虎七月而生二九一十八八主風風
主蟲故蟲八月而化其餘各從其類矣鳥魚生於陰而
屬陽故皆卵生齧吞者八竅而卵生齧嚼者九竅而胎
生日生者類父夜生者類母敢問其皆然乎孔子曰然

吾聞諸老聃亦如子之言也子夏曰商聞山書曰地東
西爲緯南北爲經山爲積德川爲積刑高者爲生下者
爲死丘陵爲牡川谷爲牝蚌蛤龜珠與月盈虛是故堅
土之人剛弱土之人弱墟土之人大沙土之人細息土
之人美耗土之人醜羽蟲三百有六十而鳳爲之長毛
蟲三百有六十而麟爲之長甲蟲三百有六十而龜爲
之長鱗蟲三百有六十而龍爲之長裸蟲三百有六十
而人爲之長食水者善遊而柰寒食土者無心而不息
食木者多力而不冶食草者善走而愚食桑者有緒而
蛾食肉者勇毅而悍食氣者神明而壽食穀者智慧而

天不食者不死而神敢問其皆然乎孔子曰然吾聞諸老聃亦如子之言也玄覽

爾雅曰春爲蒼天夏爲昊天秋爲旻天冬爲上天詩傳曰尊而君之則稱皇天元氣廣大則稱昊天仁覆閔下則稱旻天自上降監則稱上天據遠視之蒼蒼然則稱

蒼天

韻會小補

天有時而裂地有時而圻山有時而移水有時而卓川有時而竭石有時而泐日有時而食星有時而隕月有時而不虧海有時而冰潮有時而不至天地有大陽九大百六焉有小陽九小百六焉天厄謂之陽九地虧謂

之百六大期九千九百年小期三千三十年陽九者天

旱海消而陸燠百六者海水竭而陵自填

玄覽

陰陽之氣上薄而雨下薄爲霧噫而爲風相激而爲雷

電嚴寒之雨因風相襲而爲雪上燠下寒其雨爲霰陰

氣暴上其雨爲雹地之暄氣爲露寒氣爲霜陽炙陰而

爲虹霓春風上升秋風下降夏風橫行冬風著土而吼

穴風之高者其道遠風之下者其道近不鳴葉者十里

風也鳴條搖枝者百里風也搖大枝者五百里仆大木

者千里折大木者五千里一日一夕者萬里二日夕者

天下半風三日三夕行萬里天下盡風

事物紺珠

山雲草莽水雲魚鱗旱雲烟火涔雲水波海旁蜃氣象
樓臺廣野之氣成宮闕北夷之氣如牛羊羣畜穹間南
夷之氣如闍臺或類舟船幡旗東夷之氣如樹西夷之
氣如室屋自華以南其氣下黑上赤嵩高三河之郊氣
正赤恒山之北氣青勃碣海岱之間氣正黑江湖之間
氣白東海氣如團箬附漢河水氣如引布江漢氣勁如
杼濟水氣如黑狔滑水氣如狼而白尾淮南氣如帛少
室氣如白兔而青尾恒山氣如黑牛而青尾凡喜氣上
黃下白怒氣上下赤憂氣上下黑上功氣黃白徙氣白
百人以上皆能有氣也凡軍上之氣高勝下厚勝薄實

勝虛長勝短澤勝枯凡候氣之法仰瞻中天則百里內
也舉目而望則五百里平視則千里在桑榆上高五六
尺者千五百里外也平望桑榆間二千里登高而望下
屬地者三千里

玄覽

天河又曰天漢天津潢津雲津雲漢銀漢星漢清漢華
漢傾河淺河銀河明河絳河銀灣銀浦銀漢河漢金水
之精凝毓而成起東方箕尾間乃分爲二道其南經傳
說魚天籥天弁河鼓其北經龜貫箕下次絡南斗魁左
旗至天津下而合南道乃西南行又分夾匏瓜人星杵
造父騰蛇王良附路閣道北端大陵卷舌而南行絡五

車經北河之南入東井水位而東南行絡南河闕丘天
狗天紀天稷在七星南而沒天所以爲東西南北襟帶
之限天下河漢之原蓋出於此

事物紺珠

唐貞觀中有人至鐵勒部骨利幹北方瀚海之地者其
地晝長而夜短日沒之後天色正曛夜纔熟一羊脾而
東方已曙此是地之角尖又最高處日入地下此處無
所遮蔽故常光明及東曉而遮處不多耳

學仙篋

周武王崩成王幼周公攝政有大功於王室時流言不
利于孺子乃辟位居東三年罪人斯得秋大熟未穫天
大雷電以風禾盡偃大木斯拔邦人大恐成王與大夫
啓金縢以上乃得周公以身代武王之說於是感悟出
郊迎公以歸天乃雨反風禾盡起歲則大熟倍常

周書

日

日廣徑千里周三千里月小於日數里凡日月運行四
極之道極下者其地高人所居六萬里滂沱四隕而下
天下中央亦高四旁六萬里日光所照徑八十一萬里
周二百四十三萬里日行四極代爲晝夜北方日中南
方則夜之半也東方日中西方則夜之半也

玄覽

月體近日則光虧遠日則光漸滿故與日同度謂之朔
而月無光衝分天中謂之望而月光盈滿月行於白道

與黃道正交之處在朔則日食在望則月食日食者月體掩日光也月食者月入暗虛不受日光也

革象志

日食在朔月食在望而亦有不盡然者宋慶元中一歲五次月食有十七夜十八夜二十夜二十一夜者其後至一歲八次月食而仍不拘望此猶異也

弁州別集

日者衆陽之宗人君之象而有蝕之者乃陰侵陽臣侵君夷狄侵中國之象前代日蝕無考今紀春秋所載周平王二十一年二月朔日蝕三月王崩

原始秘書

義和東方國名日所由過處每日出其國人爲御推而升太虛唐堯取以名官山海經又曰有女子名曰羲和

浴日於甘泉羲和者帝俊之妻是生十日

天中記

帝王世紀曰周文王服殷時嘗夢日月着其身

藝文

陳

武帝嘗遊義興館於許氏夢天開數尺有四朱衣捧日而至納諸口既覺腹內猶熱心甚喜焉

南史

宋國有田父常衣溫廣至春自曝於日當爾時不知有廣厦隩室縣續狐貉顧謂其妻曰負日之暄人莫知之以獻吾君將有賞也其室告之曰昔人有美葵甘泉莖芹萍子對鄉豪稱之鄉豪取嘗之蜚於口慘於腹衆哂之

列子

虞公與夏戰日欲落公以劍指日日還不落又魯陽公

與韓構難戰酣日暮援戈而搗之日反三舍

淮南子

三國程昱少時常夢上大山兩手捧日昱私異之以語

荀彧及兖州反賴昱得完三城於是彧以昱夢白操操

曰卿當終為吾腹心昱本名立操乃加日其上更名昱

也

魏書

唐開元二十五年青州奏日光五色長慶元年五月抱

珥五色

玉海

又周顯德七年正月日既出其下復有一

日相掩黑光摩盪者久之○景德元年十二月日有影

如三日狀

宋史

有客登岱岳絕頂行四十里以伺日出久之星斗漸稀

東望如平地天際已明其下則暗又久之明處有山數

峯如臥牛車蓋之狀星斗盡不見其下尚暗初意日自

明處出又久之自大暗中日輪湧出正紅色騰起數十

丈至明處全無光其下亦尚暗

聞見錄

宋仁宗朝司天奏月朔日當食而陰雲不見事同不食

故事當賀司馬光曰日食四方皆見而京師獨不見天

意若曰人君為陰邪所蔽天下皆知而朝廷獨不知其

為災尤甚不當賀詔嘉其言後以為例

澠水燕談

月

尚書哉生明又曰哉生魄

注

哉始也生明三日也生魄

十五日也

玉屑

嫦娥奔月之後，昇晝夜思，惟成疾。正月十四夜，忽有童子詣宮求見，曰：「臣夫人之使也。」夫人知君懷思，無從得降。明日乃月圓之候，君宜用米粉作丸，團團如月，置室西北方，呼夫人之名，三夕可降耳。如期果降，復為夫婦。如初。今言月中有嫦娥，大謬。蓋月中自有主者，乃瑁璘，非嫦娥也。三餘帖

周昭王時，九月並出，其色五采，貫紫微。王南巡狩，濟江溺死，此其始。異苑

晉尹思元夜坐屋中，遣兒視月中，有異物，否兒曰：「月中

一人披蓑帶鉏，今年當大水。思自視曰：「月中人乃帶劍仗矛，當大亂三十年後，小清耳。」後果然。珍珠舡

晚唐太和中，鄭仁本表弟嘗與王秀才遊嵩山，忽迷路，見一人方眠，熟呼之，其人枕襪而坐，曰：「君知月乃七寶合成乎？月勢如丸，其影則日爍，其凹處也。常有八萬三千戶修之，予卽一數。因開襪，有斤鑿數事，玉屑飯兩裹。授二人曰：「分食此，雖不足長生，可一生無疾耳。」乃起與二人別，指一支徑，但由此自合宮道矣。言已不見。西陽

雜俎

宋吳曦為名將，玠之孫。未叛時，嘗歲狡獵塞上。一日夜

此祥乃滅
族之兆

歸笳鼓競奏，麟載雜襲，曦方垂鞭，四視天宇澄霽，仰見月中有一人焉，騎而垂鞭，與已惟肖，問左右所見，皆符，殊以為駭，嘿自念曰：我當貴，月中人其我也。揚鞭而揖之，其人亦揚鞭，乃大喜，異謀繇是亦決。程史

自初生民以來，世主曷嘗不曆象日月星辰，仰則觀象於天，俯則觀法於地，天有日月，地則有陰陽，天有五星，地則有五行，天有列宿，地則有州域，三光者陰陽之精，氣本在地，而聖人統理之，昔者包犧氏觀象察法，以通神明之德，以類萬物之情，故易曰：天垂象，見吉凶，聖人象之。黃帝創受河圖，始明休咎，星官之書自黃帝始降。

及高陽乃命南正重司天，北正黎司地，爰及帝嚳亦次序三辰，唐虞則羲和繼軌，夏則昆吾紹德，年代綿邈，文籍靡傳，至於商之巫咸，周之史佚，格言遺記於今不朽，其諸侯之史則魯有梓慎，昔有卜偃，鄭有裨竈，宋有子韋，齊有甘德，楚有唐昧，趙有尹皇，魏有石申，皆掌著天文，各謹圖驗，其巫咸、甘石之徒，後代所宗。漢司馬談父子繼為史官，著天官書以明天人之道，劉向、廣、洪、範、災異作皇極論以參往行之事，及班固叙漢史，司馬續述天文，而蔡邕、譙周各有撰錄，司馬彪采之以繼前志，漢之傳天文者，則有唐都李尋之倫，光武以來則有蘇伯

况郎雅光並參伍天文發揚善道後張渾爲太史令鑄
渾天儀總序星經謂之靈憲在三國時吳之陳卓始列
甘石巫咸三家著於篇錄並著占贊唐興太史李淳風
浮屠一行尤稱精博如淳風之法象志一行之覆矩圖
後世未能過也故唐史采其要說而以爲天文志王朴
之在五代通於曆數嘗以步日步月步星步法歛四篇
合爲曆經故史臣載其遺說而爲司天考今以其論日
月者攷之日有中道月有九行此前漢天文志之說也
中道者黃道也一曰光道九行者黑道二則出於黃道
之北赤道二則出於黃道之南白道二則出於黃道之

西青道二則出於黃道之東此之謂日有中道月有九
行也日有九道並與月同此又鄭康成所用以爲注月
令者也月令於春其日甲乙而注則以爲春從東道月
令於夏其日丙丁而注則以爲夏從赤道月令於秋其
日庚辛而注則以爲秋從白道月令於冬其日壬癸而
注則以爲冬從黑道季夏之末其日戊巳而注以爲四
時之間從黃道此之謂日有九行也至於五代史司天
考所載王朴之說則又曰自古雖有九道之說蓋亦知
而未詳徒有祖述之文而無推步之用今以黃道一周
分爲八節一節之中分爲九道盡七十二道而使日月

無所隱其斜正之勢此王朴所以有九道之法也晉書天文志所載王蕃渾天之法則有曰赤道帶天之統黃道日之所行也半在黃道之內半在赤道之外無赤道東交於角西交於奎此王蕃所以詳言黃道赤道之辨也若日月之行則正歲凡十二會焉子爲玄枵丑爲星紀寅爲析木卯爲大火辰爲壽星巳爲鶉尾午爲鶉火未爲鶉首申爲實沈酉爲大梁戌爲降婁亥爲娵訾此一歲十二會之次也日月周天則凡三百六十五度四分度之一焉星則循天而左行日月則遡天而右行日行一度一歲一周天月行十二度有奇一月一周天此

日月周天之度數也日行太陰則無光月行太陽則能照極南爲太陽極北爲太陰此又王充論衡太陽太陰之說也日者陽精之宗月者陰精之宗月光生於日之所照魄主於日之所蔽當日則光盈就日則光盡此張衡靈憲生魄生明之說也日出於暘谷浴於咸池拂于扶桑以至于隅中虞淵者此又淮南子日出日入之說也今自其論星辰者言之則有五星有四宮星有極星有中星又有經星瑞星焉夫所謂五星者何也歲星之屬於東熒惑之屬於南太白之屬於西辰星之屬於北鎮星之屬於中央五星同色百姓寧然五星有贏有縮

早出爲羸晚出爲縮至甘氏太初曆又各不同蓋以星羸縮在前名錄後所見也古曆五星之推亡逆行者至甘氏石氏經則以熒惑方曰爲有逆行蓋以周衰之變遂因以爲皆非正行也夫所謂四宮星者何也東宮之星則蒼龍之屬角亢氐房心尾箕之七宿其形如龍故曰蒼龍南宮之星則朱鳥之屬井柳鬼星張翼軫之七星其形如翼鳥故曰朱鳥西宮之星則咸池之屬奎婁胃昴畢觜參有白虎體故曰白虎北宮之星則銀海之屬謂斗牛女虛危室壁有龜蛇體故曰玄武其所謂北極卽北辰北辰天之中也天運無窮三光迭曜而極星

不移故曰居其所而衆星拱之此北極也而又有所謂南極者焉北極則高於地者三十六度南極則下於地者三十六度故北極之下三十六度常見不沒南極之上三十六度常沒不見此南極北極之別也古者舉中星以正四時春則日中星鳥夏則日永星火秋則宵中星虛冬則日短星昴此堯典之中星也而又有月令之中星焉孟春之月日在營室昏參中旦尾中仲春之月日在奎昏弧中旦建星中季春之月日在胃昏七星中旦牽牛中例而推之四時皆然此月令堯典中星之異也若夫經星者如曰四輔曰華蓋如斗魁所載之六星

曰上將曰次將曰貴相司命司中司祿者則名之曰文昌斗魁之下兩相比之六星曰泰階曰中階曰下階者則名之曰三台太微爲五帝之坐東壁爲圖書之府執法郎官之象其官明堂靈臺之象其物皆經星也故馬續云天文之在圖籍昭昭可知者經星常宿中外官凡百一十八名積數七百八十三星皆有州國宮官物象之類張衡靈憲論曰中外官常明者百有二十四可名者三百二十爲星二千五百微星之數萬有一千二百五十庶物蠢動咸有繫命此之謂也若夫瑞星者如隋志所載一曰景星出於有道之國二曰周伯星所見之

國必昌三曰含譽四曰格澤此瑞星之類也然總諸星而觀之北斗者乃七政之樞機陰陽之元本也魁四星爲璇璣杓三星爲玉衡所謂璇璣玉衡以齊七政者也

太史公曰杓樛龍角

東方宿

衡中南中魁枕參首斗爲

帝車運于中央臨制四海分陰陽建四時均五行移節度定諸紀皆繫于斗故天官之書首言極星又有北斗爲諸星之首此又觀象之所當先也或曰第一言天樞二曰璇三曰璣四曰權五曰玉衡六曰開陽七曰瑤光樞爲天璇爲地璣爲人權爲時玉衡爲音開陽爲律瑤光爲星石氏乃曰一主天二主地三主火四主水五主

土六主木七主金又曰一主秦二主楚三主梁四主吳
五主燕六主趙七主齊亦不可不知也嘗觀馮象氏之
職掌十有二歲十有二辰二十有八星之位
辨其叙事以會天星冬夏致日春秋致月以辨四時之
叙保章氏之職掌天星以志星辰日月之變動以辨其
吉凶此又觀象之法也雖然魏崔浩嘗攷校漢以來日
月薄蝕五星行度并譏前史之失別爲魏曆以示高允
而允謂漢元年五星聚東井乃漢史之謬案星傳金水
二星常附日行冬十月日旦在尾箕昏沒於申南而東
井方出於寅北二星何因背日而行是史官欲神其事

不復推之於理也及浩考之果如允言乃以前二月旅
於東井而非十月也吁安得斯人而與之言天文哉

書攷索

劉氏鴻書卷一終

海言

海言

海言

海言

海言

海言

